

● Líftryggingarskilmálar

- án undirritaðrar beiðni

R1

1. gr. Orðskýringar

Í skilmálum þessum merkir félagið váttryggjanda, þ.e. Sameinaða líftryggingarfélagið hf.

Váttryggingartaki er sá nefndur sem gert hefur váttryggingarsamning við félagið.

Líftryggður, sem náð hefur 18 ára aldri, telst einnig váttryggingartaki.

Rétthafi er hver sá, sem á kröfu um greiðslu bóta, ef til kemur.

Líftryggingin er miðuð við líf þess, sem í skilmálunum er nefndur líftryggður.

2. gr. Gildistími ábyrgðar félagsins

Ábyrgð félagsins hefst þegar það hefur rafrænt eða á annan hátt mótttekið og staðfest móttöku útfylltrar beiðni þannig að unnt sé að gefa út skírteini samkvæmt reglum félagsins um áhættumat og endurtryggingu. Gildistími líftryggingarinnar er skráður á skírteinið.

Ábyrgð félagsins fellur þó niður, ef iðgjald hefur ekki verið greitt 30 dögum eftir gjalddaga, enda hafi þess verið krafist a.m.k. viku fyrir þann tíma. Ábyrgð félagsins hefst að nýju þegar iðgjald hefur verið greitt, enda sé hinn líftryggði þá á lífi, áhætta hafi ekki aukist og ekki sé lengra liðið en tveir mánuðir frá því að ábyrgð félagsins féll niður.

Skírteini þetta fellur úr gildi, ef iðgjald hefur ekki verið greitt þremur mánuðum eftir gjalddaga.

3. gr. Takmörkun á ábyrgð félagsins

Svipti líftryggður sig lífi innan eins árs frá því að líftryggingin síðast öðlaðist gildi er félagið laust úr ábyrgð.

4. gr. Rangar upplýsingar

Ef yfirlýsing skv. 10. grein þessara skilmála er röng eða í veigamiklum atriðum ónákvæm er félagið laust úr ábyrgð í samræmi við ákvæði laga um váttryggingasamninga.

5. gr. Endurkaup og lán

Líftrygging þessi hefur ekki endurkaupsverðmæti og veitir ekki rétt til lántöku hjá félaginu.

6. gr. Greiðsla líftryggingarfjárhæðarinnar

Líftryggingarfjárhæðin fellur í gjalddaga 14 dögum eftir að nægar sannanir fyrir greiðsluskyldu félagsins hafa borist því, þar á meðal dánarvottorð frá lækni.

Við greiðslu ber að afhenda líftryggingarskírteinið áritað af rétthafa.

7. gr. Fyrning líftryggingarfjárhæðarinnar

Krafa um greiðslu líftryggingarfjárhæðarinnar fyrnist á tíu árum frá andláti hins líftryggða.

8. gr. Iðgjaldafrelsi

Missi hinn líftryggði meira en helming starfsorku sinnar öðlast hann rétt til hlutfallslegrar lækkunar iðgjalda meðan það ástand varir, þó ekki fyrr en eftir 3 mánuði og ekki lengur en að 65 ára aldri.

Líftryggður öðlast þó ekki rétt til iðgjaldafrelsis:

1. Fyrir lengra tímabil en 1 ár aftur í tímann, áður en beiðni um iðgjaldafrelsi barst félaginu.

2. Vegna sjúkdóma sem voru fyrir hendi eða sýnt höfðu einkenni fyrir gildistöku tryggingarinnar, né vegna afleiðinga slyss sem orðið hafði fyrir gildistöku tryggingarinnar.
3. Ef orsök starfsorkumissisins er af völdum styrjalдар, hernaðaraðgerða, óeirða, uppreisna eða svipaðra atvika.
4. Ef orsök starfsorkumissisins er misnotkun áfengis, fíkniefna eða eiturefna, eða þátttaka í refsiverðum verknaði.

Ákvæði 4. gr. um rangar upplýsingar gilda einnig um iðgjaldafrelsi, eftir því sem við á. Beiðni um iðgjaldafrelsi skal vera skrifleg á eyðublaði félagsins og sendast félaginu ásamt nauðsynlegum gögnum til mats á starfsorkumissinum, félaginu að kostnaðarlausu.

Til grundvallar mati á starfsorkumissi mun félagið leggja hæfni hins líftryggða til þess að gegna sínu venjulega starfi og möguleikum til að gegna öðrum störfum.

Líftryggða er skylt að tilkynna félaginu strax og hann endurheimtir starfsorku sína að hluta eða að fullu.

Á meðan hinn líftryggði nýtur iðgjaldafrelsis getur félagið ávallt krafist heilsufarsupplýsinga af honum, svo og læknisskoðunar á sinn kostnað.

Félagið tilkynnir líftryggða skriflega ákvörðun sína um iðgjaldafrelsi.

9. gr. Verðtryggingarákvæði

Gildandi líftryggingarfjárhæð og iðgjald, breytast kl. 12 á hádegi fyrsta dag hvers váttryggingarárs. Breytingin skal vera í sama hlutfalli og er milli gildandi vísitölu neysluverðs í upphafi váttryggingarársins frá grunn-vísitölu skírteinisins.

Ennfremur breytist líftryggingarfjárhæðin innan hvers váttryggingarárs ársfjórðungslega. Breytingin er í sama hlutfalli og er milli gildandi vísitölu neysluverðs í byrjun

hlutaðeigandi ársfjórðungs og vísitölunnar í upphafi ársins. Ef iðgjaldið greiðist oftast en einu sinni á ári breytast síðari greiðslur með sama hætti og fjárhæðin. Hækki vísitala vísitölu neysluverðs meira en 40% á einu váttryggingarári áskilur félagið sér rétt til þess að innheimta viðbótariðgjald vegna hækkunar vísitölunnar umfram 40%.

10. gr. Heilsufarsgrundvöllur líftryggingarinnar

Líftrygging samkvæmt þessum skilmálum gildir ef líftryggður uppfyllir eftirfarandi skilyrði og hefur staðfest það, sbr. 2 gr.:

Við gildistöku líftryggingarinnar:

- er líftryggður og hefur undanfarin þrjú ár verið fullkomlega heilsuhraustur og vinnufær.
- er líftryggður ekki haldinn né hefur áður haft alvarlega sjúkdóma eða sjúkdómseinkenni.
- hefur líftryggður ekki lent í alvarlegu slysi sem haft hefur varanlegar afleiðingar á heilsufar hans.
- hefur líftryggður engin lyf tekið að staðaldri.
- hefur notkun áfengis og/eða annarra vímuefna aldrei verið vandamál hjá líftryggum.
- er líftryggður ekki óeðlilega þungur miðað við hæð.
- hefur líftryggðum aldrei verið hafnað í líftryggingu né verið reiknað álag á iðgjald líftryggingar fyrir hann.

11. gr. Breyting á iðgjaldsgrundvelli

Verði veruleg breyting á dánarlíkum áskilur félagið sér rétt til að breyta iðgjaldsgrundvelli. Slíkar breytingar eru háðar samþykki Fjármálaeftirlits.

Skilmálar þessir gilda frá 15. september 2003.

Kynntu þér efni váttryggingarsamnings og ákvæði váttryggingaskilmála:

Félagið hvetur þig til þess að kynna þér ákvæði váttryggingarskírteinis þessa auk ákvæða skilmála varðandi greiðslu iðgjalds, takmörkun ábyrgðar, varúðarreglur og fresti til að tilkynna um váttryggingaratburð.

Í persónutryggingum þar sem váttryggður er annar en váttryggingartaki birtast viðkvæmar persónuupplýsingar varðandi váttryggðan einungis á því váttryggingarskírteini sem sent er váttryggðum.

Skilmálar eru aðgengilegir á skrifstofum félagsins eða heimasíðu þess; www.sjova.is.

Nánari upplýsingar um váttrygginguna eða þörf á frekari váttryggingavernd:

Félagið veitir frekari upplýsingar um váttrygginguna en fram koma á skírteini þessu auk ráðgjafar um þörf á váttryggingavernd. Hægt er að hafa samband við félagið í síma 440-2000 eða með fyrirspurnum í tölvupósti á netfangið sjova@sjova.is.

Tilkynningar um tjón:

Hægt er að tilkynna tjón á skrifstofum félagsins sem eru opnar frá kl. 8:30 til 16:30 alla virka daga, í þjónustusíma 440-2000, á heimasíðu félagsins www.sjova.is eða í tölvupósti á netfangið: tjonstilkynningar@sjova.is. Tjónavakt félagsins er opin allan sólarhringinn. Símanúmer tjónavaktar er 800-7112.

Frestur til að tilkynna um tjón og til lögfræðilegra aðgerða:

Tilkynna ber félaginu um tjón án ástæðulauss dráttar, sbr. 3. mgr. 28. gr. og 1. mgr. 92. gr. laga nr. 30/2004 um váttryggingarsamninga (VSL). Réttur til greiðslu bóta getur fallið niður ef váttryggður tilkynnir félaginu ekki um kröfu sína innan eins árs frá því að hann vissi um atvik sem krafan er reist á, sbr. 1. mgr. 51. gr. og 1. mgr. 124. gr. VSL.

Hið sama á við ef félagið hefur hafnað kröfu um bætur. Í slíkum tilvikum getur váttryggður eða sá sem á rétt til bóta glatað þeim rétti ef hann hefur ekki höfðað mál eða krafist meðferðar máls fyrir Úrskurðarnefnd í váttryggingamálum innan eins árs frá því að hann fékk skriflega tilkynningu um að kröfu hans væri hafnað, sbr. 2. mgr. 51. gr. og 2. mgr. 124. gr. VSL.

Meðferð ágreiningsmála:

Félagið tekur ákvörðun um bótaskyldu. Ágreining um bótaskyldu félagsins, þ.m.t. sök og sakarskiptingu skaðabótaskyldra aðila, má leggja fyrir **Tjónanefnd váttryggingarfélaganna**. Meðferð máls hjá nefndinni er aðilum að kostnaðarlausu. Nefndin fjallar ekki um bótafjárhæðir.

Einnig er unnt að leggja ágreining um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004 um váttryggingarsamninga, fyrir **Úrskurðarnefnd í váttryggingamálum**, sem vistuð er hjá Fjármálaeftirlitinu. Hægt er að nálgast eyðublað úrskurðarnefndarinnar á www.sjova.is, á skrifstofum félagsins eða hjá Fjármálaeftirlitinu, Suðurlandsbraut 32, Reykjavík. Sá sem skýtur máli til Úrskurðarnefndar í váttryggingamálum þarf að greiða málskotsgjald. Falli málið honum í vil, að einhverju eða öllu leyti, fær hann málskotsgjaldið endurgreitt. Málsmeðferð fyrir nefndum þessum skerðir ekki rétt aðila til þess að fara með mál fyrir dómstóla.

Kvörtunum er lúta að þjónustu og málsmeðferð félagsins má vísa til **Neytendapjónustu félagsins** á aðalskrifstofu þess.